

去聲

用

共

痛

至

諱

類

泊

縱

重

啻

致

遂

備

暨

翅通

古作泉

肆 自 試 意 被 貴 謂 庶 遽

渠通

比 地 亟 次 未 爲 旣 與 詎

鉅距巨渠通鉅附

利

屢

屢婁通

固

素

第

繼

噬

大

柰

耐通

具

故

顧

慮

逮

逝

泰

古作太省太與大通

蓋

通作蓋

會

最 再 差 信 愁 鎮 頓 閒 荐

載 在 分 僅 振 願 漫 見 算

徧

較

覺通

料

到

箇

个同

麼

乍

諒

亮通

要

稍

告

暴

些

那

藉

借同

向

嚮通

當

況

古作兄

尙

上通

浪

長

竟

更

正

政通

令

幸

徑

定

賸

剩同

應

又

驟

就

任

確山劉淇武仲

用 廣韻云以也易屯彖勿用有攸往言無以有所往

也書大禹謨好生之德洽於民心茲用不犯於有司

論語怨是用希茲猶是也茲用是用竝是以之辭也

後漢書鄧晨傳光武戲曰何用知非僕也竇憲傳何

用愈趙高指鹿爲馬馬援傳先生奚用相濟韓退之

詩李杜文章在光焰萬丈長不知羣兒愚那用故謗

傷何用奚用那用竝何以之辭也又史記越世家王

前欲伐齊員彊諫已而有功用是反怨用是猶云因此也又周語民用莫不震動恪恭于農左傳僖公二十六年我敝邑用不敢保聚陸機辨亡論大業未就中世而隕用集我大皇帝諸用字猶云爰也國語注以民用爲田器恐非用卽用是但云用者省文也

縱

設辭猶云卽也論語且子縱不得大葬史記呂后

紀諸君縱欲阿意背約何面目見高帝地下又左傳昭公七年縱吾子爲政而可此縱字亦是設辭猶云

若也又省作縱左傳宣公二年從其有皮丹漆若何

殺沛令原涉傳大郡二千石死官與僉道孝官二千
以上妻子通共受之通共重言也又李義山詩春心
莫共花爭發此共字猶與也竝也

重 廣韻云厚也戰國策今富摯能而公重不相善也

是兩盡也注云重猶甚也愚案重者輕之對相惡最
深至非輕惡之故重得爲甚猶今俗云著實也禮記
檀弓壹似重有憂者太史公報任安書重爲天下觀
笑杜子美詩君臣重修德猶足見時和諸重字其義

竝同又離騷紛吾既有此內美兮又重之以修能此
重字猶加也益也漢書文帝紀是重吾不德也師古
云重謂增益也蘇武傳見犯迺死重負國師古云言
被匈奴侵犯然後迺死是爲更負漢國愚案更亦益
也又戰國策羣臣必多以臣爲不能者故王重見臣
也注云重難也漢書孔光傳上重違大臣正議師古
云重難也愚案輕故易重故難也又古詩行行重行
行此重字猶云復也再也又也凡稱物之重複者其
重字讀作平聲如禮器天子之席五重是也若事之

義爲頻仍也

痛 漢書食貨志畜積餘贏以稽市物痛騰躍晉灼云

痛甚也

啻 與翅通僅也止也第也但也書秦誓不啻若自其

口出孟子奚翅色重今多有訓不啻爲不異者非也
或問莊子大宗師陰陽於人不翅於父母非不異之
云乎曰此言人於陰陽惟所陶鑄不但如父母鞠育
而已且陰陽所以生父母者若云父母之鞠育不異

於陰陽可也云陰陽之陶鑄不異於父母則慎矣

至最也極也荀子正論篇湯武者至天下之善禁令

者也漢書賈誼傳材之不逮至遠也又大學自天子
以至於庶人此至字猶及也又論語至於犬馬皆能
有養孟子至於心獨無所同然乎至於者相及而殊
上事之文也又漢書霍去病傳顧方略何如耳不至
學古兵法不至猶俗云不到得也又漢書東方朔傳
至非守宮卽蜥蜴師古云揚雄方言云其在澤中者
謂之蜥蜴故朔曰是非守宮卽蜥蜴也愚案師古蓋

致惡其賊世說西山朝來致有爽氣

諛 大學大甲曰顧諛天之明命朱注云諛猶此也

遂 儀禮聘禮君與卿圖事遂命使者鄭注云遂猶因

也春秋僖公四年遂伐楚穀梁傳云遂繼事也桓公
七年祭公來遂逆王后于紀公羊傳云遂者何生事
也何休云生猶造也專事之辭愚案遂云專事者言
祭公不待更受命因其來魯遂迎后于紀亦繼事之

辭也又史記高帝紀及高祖貴遂不知老父處顏氏
家訓子雲歎曰此人後生無比遂不爲世所稱亦是
奇事此遂字猶云終竟也又史記高帝紀項羽雖聞
漢東旣已連齊兵欲遂破之而擊漢此云遂者是欲
直竟其事與上義別也

類

戰國策王類欲令若爲之注云類似也史記酷吏
傳上問湯曰吾所爲賈人輒先知之是類有以吾謀
告之者類似也若也疑辭也又史記伯夷傳巖穴之
士趨舍有時若此類名湮沒而不彰此類字猶率也

此類非此與漢書賈誼傳夫移風易俗使天下回心而鄉道類非俗吏之所能爲也後漢書郅壽傳冀部屬郡多封諸王賓客放縱類不檢節諸類字義同郅傳注云類猶皆也頗爲近之

備 廣韻云具也皆也漢書禮樂志安世房中歌曰熙事備成韋穀才調集序并諸賢達章句不可備錄各有編次

泊 廣韻云及也顏氏家訓泊於梁氏茲風復闡

暨 爾雅云逮及暨與也郭注云公羊傳曰會及暨皆

與也逮亦及也又爾雅云暨不及也郭注云公羊傳

曰及我欲之暨不得已暨不得已是不得及邢疏云

案春秋隱元年三月公及邾婁儀父盟于昧公羊傳

曰及者何與也會及暨皆與也曷爲或言會或言及

或言暨會猶最也及猶汲汲也暨猶暨暨也及我欲

之暨不得已也然則暨者非我欲之事不獲已而爲

會者也波云不及也又吳志大司馬傳上之乘六

虞書臚咎繇今文尙書作暨

肆爾雅云肆故今也邢疏云詩大雅繇篇云肆不殄

厥愠毛傳云肆故今也卽以肆之一字爲故今因上
起下之語書湯誥肆台小子蔡傳云肆故也又虞書
肆類於上帝孔傳云肆遂也正義云肆是縱緩之言
此因前事而行後事故以肆爲遂也

比及也詩大雅比于文王其德靡悔比于猶至于也
禮記祭義比時具物陳氏集說云比時及時也又魏